

Marić Zvonko

Zastupnik u Skupštini Kantona Sarajevo

m/r Ministarstva zdravstva Kantona Sarajevo

Ministrica Amela Sofić

**PREDMET: Zastupničko pitanje**

Tražim od Ministarstva zdravstva Kantona Sarajevo da mi se hitno dostave sljedeći odgovori:

1. Navodim sljedeće činjenice da su član Upravnog odbora i radnik JU Zavoda za medicinu rada Kantona ( u daljem tekstu UO ) Sarajevo [REDACTED], sa bivšim sekretarom M [REDACTED] [REDACTED] a u dogovoru sa ponuđačem u postupku nabavke medicinske opreme i to nabavke 2 (dva) aparata po instrukciji ponuđača sačinili specifikacije, te time istog favorizovali pri izboru ponuđača.

Postupajući na takav način povrijeđeni su član 52. stav (5) i član 53. stav (5) Zakona o javnim nabavkama, član 7. stav (3) Pravilnik o uspostavljanju i radu komisije za javne nabavke.

Radi se o sljedećim nabavkama:

- 755-7-1-30/17 Konkurentski zahtjev Nabavka medicinskog aparata za kabinet internističke medicine – defibrilator, Robe, Završen 13.04.2017. godine;
- 755-7-1-47/17 Konkurentski zahtjev Nabavka medicinskog aparata za Internistički kabinet-3/6/12 kanalni EKG aparat, Robe, Završen 18.05.2017.godine.

Uzimajući u obzir gore navedeno interesuje me da li su organi rukovođenja i upravljanja u Zavodu bili obavješteni o ovim dešavanjima i koje su radnje po tom pitanju poduzete?

2. Također, interesuje me zbog čega kod angažovanja advokata Vedrana Gavranovića od strane Zavoda nije ispoštovan Plan javnih nabavki Zavoda za tu godinu i postupak nije proveden u skladu sa istim, što je bila zakonska obaveza.

Prema mojim saznanjima, posao je dodjeljen gore navedenom advokatu zbog bliskosti sa tadašnjim sekretarom [REDACTED], pri čemu su pored planiranog konkurentskog zahtjeva primjenio direktni sporazum, a da pri tome nije došlo do izmjene i dopune Plana javnih nabavki Zavoda po članu 17. stav (1) Zakona o javnim nabavkama BiH, također u želji da se radnje prikriju nabavka nije objavljena na Portalu javnih nabavki.

Važno je napomenuti, pored same činjenice da je postupak od samog početka proveden na nezakonit način, isti je i u direktnom sporazumu sadržavao brojne nezakonitosti.

Interesuje me kako je moguće da su se ove stvari dešavale u JU Zavod za medicinu rada, a da za to niko nije odgovarao, te zahtjevam kompletan spis vezan za tu nabavku.

3. *Pitanje vezano za Pravilnike o unutrašnjoj organizaciji i sistematizaciji radnih mjesta JU Zavoda za medicinu rada Kantona Sarajevo ( u daljem tekstu Pravilnik ), obzirom da niti jedna javnozdravstvena ustanova u Kantonu Sarajevo, u svom pravilniku na poziciji sekretar ustanove ne zahtjeva položen Pravosudni ispit, da li se ta odredba našla u Pravilniku nakon dolaska [REDACTED] u Zavod na mjesto sekretara da bi mu se učvrstila pozicija na tom radnom mjestu?*

*Obzirom na novac koji je Zavod trošio na angažovanje advokata i da se radi o ustanovi sa malo više od 100 uposlenih zahtjeve ove prirode smatram diskriminirajućim, jer zakonski ovo radno mjesto ne zahtjeva položen pravosudni ispit.*

*Naravno, da apsurd bude veći, nakon odlaska [REDACTED] sa pozicije sekretara Zavoda, na njegovo mjesto dolazi izvjesna A [REDACTED] zbog čega se donosi novi Pravilnik gdje se parcijalno primjenjuje Zakon o namještenicima u organima državne službe F BiH i to istrgnuti član 31. stav ( 1 ), a sve da bi se uslovi za to radno mjesto prilagodili naprijed navedenoj, pa tako sad u Pravilniku Zavoda imamo posebna uslov za sekretara ustanove: pravosudni ispit ili stručni upravni ispit. Molim da mi se objasni kako manje može značiti više?*

*Također, koliko sam informisan, raspisan je konkurs za ovo radno mjesto koji nije usklađen sa Pravilnikom Zavoda što je bila zakonska obaveza, pa molim da mi se dostavi ime osobe koja je sačinila tekst oglasa za Konkurs za predmetnu poziciju.*

*Uzimajući navedeno u obzir želim da mi se dostavi u kojoj fazi nacrtu Pravilnika je dopisan sporni uslov ( položen stručni upravni ispit ), odnosno ko ih je dodao u Pravilnik?*

4. *Molim da mi se dostavi kompletna Tenderska dokumentacija koja se odnosi na nabavku usluga sistematskih pregleda zaposlenika Zavoda zdravstvenog osiguranja Kantona Sarajevo, u kojoj je Zavod za medicinu rada Kantona Sarajevo učestvovao kao ponuđač u postupku nabavke.*

*Zastupnik*

*Marić Zvonko*